



KŌNUKU TĀKARO MAKE A MOVE & PLAY

ARONGA PŪKENGĀ

- Te whiu
- Te hopu

TE UAUA




HE AHA ĒTAHI ATU PŪKENGĀ E WHAI WĀHI ANA PEĀ

Ngā pūkenga o te oma, te tūpeke, te māwhitiwhiti, te tiroiro.

KIA HORO TE WHAKAARO –HEI KIMI MĀU

- Akiakina ngā Kaikuru ki te whakaaro kia rite ngā ringa ki te āhua o te pākete, i a rātou e hopu ana
- Akiakina ngā Kaikuru ki te whakaaro, ki te whātoro i te nekehanga, me te arotahi ki te ihonui.
- Akiakina ngā Kaikuru ki te whakaaro ki te nukunuku ki tēnā taha, ki tēnā taha, ā, me pēhea te pērā.

WHAKARITENGA



TĀTAU KI TE TĀKARO

- He pōro (he pēke pīni rānei) tā ia Kaikuru
- Ka nekeneke tonu ngā Kaikuru huri noa i te wāhi.
- Whakahaua ngā Kaikuru ki te whakamātau i ētahi pūkenga huhua me te pōro, hei tauira; te hopu iti, te tūpana me te hopu, te hopu ki mua i te ihu, te waiho i te pōro ki te papa me te kōhi anō.
- Whakahaua ngā Kaikuru kia huhua ngā nekehanga nō rātou ka whakamātau i ētahi pūkenga, hei tauira; te tūpeke, te māwhitiwhiti, te pekepeke rānei.
- Ka kaha ngā Kaikuru ki te mahi takirua, ka tūpana i te pōro ki te hoa ka hopu ai, ā, e taea ana tēnei i te wāhi kotahi, i te nekehanga haeretanga rānei.
- Kia auaha ngā tohutohu nekeneke, hei tauira; kia rite ki te poraka, kia rite ki te rāpeti.

TAPUTAPU



Koeko, pōro (iti, nui rānei). Ēta-hi atu – pēke pīni.

TE WĀ



Kia 5 miniti e mahi ana.

RŌPŪ KAIKURU



Kia iti, kia nui rānei ngā rōpū.


UARA

(Whāngai kupu ki ngā Kaikuru)




PONO

Me pēhea e pono ai te ngākau o te Kaikuru ka tākaro ana i te kēmu nei?



TAUTOKO

Me pēhea te Kaikuru e tautoko ai i tōna hoa, i ōna hoatīma rānei ka tākaro ana?



MAHI TAHI

Me pēhea ngā Kaikuru e mahi tahi ai ka tākaro ana?

WHAKAREREKĒTIA

- ⊖ Me māmā i te ati, ka mau te pōro ki te ringa, ka omaoma haere, ka whakapā te Kaikuru i te pōro ki ngā wāhi o te tinana e huaina ana
- ⊖ Whakamahia he pōro nui kē, he pēke pīni nui kē
- ⊕ Whakatereteretia, whakarerekētia ngā tohutohu ki ngā Kaikuru, kia horo ai ngā whakaaro
- ⊕ Whakamātauria ngā hopukanga ki te ringa kotahi

HAUKURUA



Whāinga – hangaia he wero i a koe anō, akiakina ngā Kaikuru ki te tatau i ngā hopukanga i kore rā te pōro i makere. Ka tiketike rawa te tatau, ka whiwhi Oranga Hou, ā, ka makere iho te pōro ka wātea ki te tatau tonu.



Riri Rangatira – Kaikuru vs Kaitaki / Kaiako Tīma / Whānau / Kaiako (te tatau o ngā hopukanga i roto i te wā)



Horo te Pā – ia whiunga o te pōro, teitei ake ai te rere kia rere ai ki runga ake i te tūwatawata

UARA KAIKURU

(Wānanga tahi me ngā Kaikuru)

- He aha ētahi o ngā huarahi i mahi tahi ai koutou ko tō tīma i te rangi nei?
- He pēhea tā koutou tautoko tētahi i tētahi?
- He aha ō mahi i pono ai tō ngākau?



He pai taku mahi tahi / tautoko / pono



He pai tonu au



Kāore au i mahi tahi / tautoko / pono



KIMIHIĀ ĒTAHI ATU
KŌRERO :)



KEI WAREWARE TE PĀTAI KI NGĀ KAIKURU



- Mihia te pai: He pai ki ahau tō...
- He ngāwari ake te hopu i a koe e oma ana, e tū ana rānei?
- He pēhea te āhua o ō ringa i a koe e hopu ana i te pōro?